

四明叢書

張宗祥

漢書地理志稽疑卷二

清鄞縣全祖望紹衣撰

志于郡國分合之詳亦多譌失今更詮次之

京兆尹故秦內史高帝元年屬塞國二年更爲渭南郡
九年罷復爲內史武帝建元六年分爲右內史太初元
年更爲京兆尹

當云故秦內史楚漢之間爲塞國高帝元年八月屬
漢爲渭南郡九年復爲內史景帝二年分爲右內史
武帝太初元年更爲京兆尹王莽曰西都京兆大尹

後又分其旁縣爲郡二曰京尉師尉

渭南河上置郡之年異姓諸侯王表可據高紀以爲

二年六月誤也功臣侯表敬市侯闕澤赤以二年四

月由河上守遷殷相矣豈待雍亡之後今改正

案闕今本

作闕敬市史記表作故市

百官表左右內史是景帝分志曰武

帝師古曰志誤也志于王莽所改郡縣諸名皆載

而京輔三郡之分爲六尉獨略之亦不合

左馮翊故秦內史高帝元年屬塞國二年更名河上郡

九年罷復爲內史武帝建元六年分爲左內史太初元

年更名左馮翊

當云故秦內史楚漢之間屬塞國高帝元年八月屬
漢爲河上郡九年復并爲內史景帝二年分爲左內
史武帝太初元年更爲左馮翊莽又分其郡曰前輝
光後又分其郡二曰翊尉光尉

案輝平帝
紀作輝

右扶風故秦內史高帝元年屬雍國二年更爲中地郡
九年罷復爲內史武帝建元六年分爲右內史太初元
年更名主爵都尉爲右扶風

當云故秦內史楚漢之際爲雍國高帝二年屬漢爲

中部郡九年復并爲內史景帝二年屬右內史武帝
太初元年更爲右扶風省主爵都尉之員以任之莽
又分其郡曰後承烈後又分其郡二曰扶尉烈尉案烈尉王莽傳作列尉又中部今本地志作中地高紀亦同

主爵都尉本不治民蓋省其員爲扶風非更名也

宏農郡武帝元鼎四年置莽曰右隊

當云故屬京兆尹武帝元鼎四年分置屬司隸莽曰
右隊

河東郡秦置莽曰兆陽

當云秦郡楚漢之際爲西魏國高帝二年屬漢武帝

末屬司隸昭帝元始元年屬并州

見本紀

未幾復故

不知

年莽曰兆隊

據王莽傳河東乃六郡之一曰兆隊非兆陽也然水經注引此已作兆陽是六朝本已誤不始今本也

太原郡秦置屬并州

當云故秦郡楚漢之際屬西魏國高帝二年屬漢六年爲韓國七年復故十一年屬代國文帝元年復故二年爲太原國四年仍屬代國武帝元鼎三年復故

屬并州

太原初屬西魏從本紀及本傳異姓諸侯王表以爲屬代誤也

上黨郡秦置屬并州

當云故秦郡楚漢之際屬西魏國高帝二年屬漢四

年屬趙國景帝復以支郡收

見史記諸侯王表

屬并州

河內郡高帝元年爲殷國二年更名莽曰後隊屬司隸

當云故屬秦河東郡楚漢之際爲殷國高帝二年置

郡武帝末屬司隸昭帝元始元年屬冀州

見本紀

未幾

復故莽曰後隊

河南郡故秦三川郡高帝更名雒陽莽曰保忠信卿屬司隸

當云故秦三川郡楚漢之際爲河南國高帝二年置郡更名屬司隸莽曰東都河南大尹後又改名曰保忠信卿分郡之滎陽諸縣別爲郡曰祁隊

莽將都雒故欲進其官于京兆尹之上名之曰卿美其名曰保忠信是官名非地名也今流俗本以卿爲鄉大謬六隊志其五而滎陽以分郡故脫之則汝

南之分爲賞都何以得載乎今補之

東郡秦置莽曰治亭屬兗州

當云故秦郡楚漢之際屬楚國高帝五年屬漢十一

年屬梁國

見高紀

文帝元年復故屬兗州

案莽曰治亭四字刪去豈

以治亭之名
專屬濮陽耶

陳留郡武帝元狩元年置屬兗州

當云故屬秦碭郡楚漢之際屬楚國高帝五年屬漢

以屬梁國文帝元年爲郡景帝中六年爲濟川國武

帝建元三年爲郡元狩五年改名

濟川爲郡見史記
梁孝王傳則元狩

特改
名耳

元帝永光三年復爲濟陽國建昭五年復故屬

兗州

高后以濟南爲呂國又改呂國曰濟川不久卽廢而
非梁之濟川王也梁濟川王都濟陽見水經注引應
劭語胡棣澗失攷乃曰在陳留東郡之間而不知濟
川卽陳留也莽傳省陳留中興始復之亦應附志

潁川郡秦置高帝五年爲韓國六年復故莽曰左隊屬
豫州

當云故秦郡楚漢之際爲韓國仍屬楚國高帝二年

十一曰復爲韓國屬漢六年爲郡十一年屬淮陽國

見本紀惠帝元年復故屬豫州莽曰左隊

汝南郡高帝置莽曰汝汾分爲賞都尉屬豫州

當云故屬秦潁川南陽二郡楚漢之際屬楚國高帝
四年屬漢分置十一年屬淮陽國十二年復故景帝
二年別爲汝南國四年復故屬豫州莽曰汝汾分其
郡曰賞都

置郡之年見水經注蓋漢旣得潁川南陽故不待楚
亡已分置矣

南陽郡秦置莽曰前隊屬荊州

當云故秦郡楚漢之際屬楚國高帝二年屬漢屬荊州莽曰前隊

王陵歸漢則楚南陽不守漢兵又出武關項氏危矣南郡秦置高帝元年更爲臨江郡五年復故景帝二年復爲臨江國中二年復故莽曰南順屬荊州

當云故秦郡楚漢之際爲臨江國高帝五年屬漢爲郡復故景帝二年復爲臨江國五年復故七年復爲國中二年復故屬荊州莽曰南順

江夏郡高帝置屬荊州

當云故屬秦九江郡楚漢之際屬衡山國仍屬楚國

高帝五年屬漢以屬淮南國尋分衡山置郡置郡之年見水

經注文帝十六年復別屬衡山國武帝元狩元年復故

屬荊州

廬江郡故淮南文帝十六年別爲國屬揚州

當云故屬秦九江郡楚漢之際分置郡屬九江國高

帝五年屬漢以屬淮南國文帝十六年別爲廬江國

景帝三年復故屬揚州

志不特不知廬江爲漢初所置亦并失去景帝徙國
復郡之年

九江郡秦置高帝四年更名爲淮南國武帝元狩元年
復故莽曰延平屬揚州

當云故秦郡楚漢之際爲九江國高帝三年復屬楚
國五年更名淮南國文帝六年爲九江郡十六年復
爲淮南國武帝元狩元年復故屬揚州莽曰延平

英布以四年復封然遙授耳楚以周殷守之布不能
取也五年殷叛始得之

案得地在五年則更名淮南
上應有屬漢二字否則高帝

三年復屬楚
國句有誤文

山陽郡故梁景帝中六年別爲山陽國武帝建元五年別爲郡莽曰鉅野屬兗州

當云故屬秦碭郡楚漢之際屬楚國高帝五年屬漢

以屬梁國景帝中六年別爲山陽國

案此五字寫本無據濟陰例補

武帝建元五年爲郡天漢四年更爲昌邑國宣帝本始元年復故元帝竟寧元年復爲山陽國成帝河平四年復故屬兗州莽曰鉅野

濟陰郡故梁景帝中六年別爲濟陰國宣帝甘露二年

更名定陶屬兗州

當云故屬秦碭郡楚漢之際屬楚國高帝五年屬漢
以屬梁國景帝六年別爲濟陰國武帝建元三年爲
郡宣帝甘露二年更爲定陶國黃龍元年復故成帝
河平四年復爲定陶國哀帝建平二年復故屬兗州
沛郡故秦泗水郡高帝更名莽曰吾府屬豫州

案吾府
今本作

符吾

當云故秦泗水郡楚漢之際屬楚國高帝二年屬漢
更名以屬梁國景帝後以支郡收

水經注曰高帝四
年更名恐有誤

屬豫州莽曰吾府

魏郡高帝置莽曰魏城屬冀州

當云故屬秦河東郡高帝十二年分置

見水經注

屬冀州

莽曰魏城

鉅鹿郡秦置屬冀州

當云故秦郡楚漢之際屬趙國尋屬常山國八月

案此

直繫以月而不年者猶言八閏月也後同

復屬趙國高帝三年屬漢四年

復以屬趙國高后八年復故文帝元年復屬趙國景

帝三年復故四年復屬趙國後以支郡收屬冀州莽